

LA MANIFESTACIOUN...

Es aqweste mes que davalan pèr carriero à Toulouso, crida tourna-mai que voulèn garda nosto lengo ...



Prouvènço d'aro

Tóuti li mes, lou journau de la Prouvènço d'aro

Mars 2012

n° 275

2,10 €

Anen ié !

**Mobilisacioun
pèr li lengo regionalo
dissate 31 mars**

À Quimper en Bretagno, à Ajaccio pèr la Corso, à Strasbourg en Alsaço, à Toulouso, à Perpignan pèr li Catalan, à Baiouno pèr lou País Basque, e tambèn à Pau, Metz, Paris, en Martinico, Guiano, Reünion, e seguramen en Amiens pèr la Picardio, Peitié... de milié de manifestant soun espèra lou dissate 31 mars dins tóuti li region de Franço que volon parla sa lengo.

Quimper - Tóuti lis associacioun bretonno manifestaran pèr lou breton e lou gallò, à parti de 2 ouro. Sounado "Deomp De'i" (Anen ié!) aqueilo manifestacioun se debanara en meme tèms que dins tóuti li territòri ountè li poble s'ouo amenistracioun franceso luchon pèr sa lengo e si dre (País Basque, Cataloung, país d'Oc, Alsaço, Pople d'Oïl e Pople d'Outro-Mar).

Estrasbourg - Nòsti lengo, nòsti culturo : un dre, uno lèi ! L'Alsaço e la Mouselo participon à-n-aqweste mouvamen naciounau à 3 ouro, pèr un rassemblamen fin d'agué un estatut legau pèr tóuti li lengo regionalo.

Peitié - Manifestacioun à 10 ouro 30, Plaço dóu Marcat Nosto Damo, pèr uno acioun en favour dóu peitevin-santoungés, e dis autri lengo minoritari de Franço. Aquelo acioun dèu èstre energico e jouioso : faren entèndre nosto voues, nòsti cansoun, nòsti estrumen de musico e moustraren veïre la realita e l'atualita di pratico linguistico regionalo e minoritari.

Metz - Pèr li dialète alemani de Loureno : de la garo de Metz enjusqu'au lindau de la catedralo en passant pèr la Prefeituro defilaren pèr la defènso di lengo de Loureno (*francique mouselan, francique renan, e alemanique dóu sud-est mouselan*) tambèn pèr l'alemand standard e lou lussembourgés.

Baiouno - 5000 persouno à Baiouno pour la manifestacioun "Deiadar", uno grando campagno de moubilisacioun es en cours pèr lou recampamen dóu 31 mars 2012 e l'oficialisacioun de la lengo basco.

Toulouso - Sara aqui lou mai grand recampamen dis aparaire de la lengo d'oc. Dis Aup i Pirenèu, e la man dins la man, Auvergnat, Biarnés, Gascoun, Lemousin, Lengadoucian, Prouvençau, e Francou-prouvençau saran tóutis aqui pèr sauva nosto lengo.

Eh! bèn, nani! despièi Aubagno,
Jusqu'au Velai, fin-qu'au Medò.
La gardaren riboun-ribagno,
Nosto rebello lengo d'O !

Frederi Mistral

Sauvaren nosto lengo



Lou Festenau dóu Tambourin

Festamb 2012

La Vilo de z-Ais-de-Prouvènço, aculira lou dimenche 1^{er} d'abriéu 2012, pèr la 27^o enc annado lou Festenau dóu Tambourin, emé dous moumen impourtant:

- lou *Recampamen interregionau di tambourinaire* à 10 ouro 30 sus lou cours Mirabeau, reünis 200 à 300 tambourinaire, lou virtuose coume lou debutant, an lou plassé de jouga ensèn. La beilié es mestrejado pèr Sebastian Bourrelly, professeur de galoubet-tambourin au counservatòri de z-Ais. Li participant vénon despièi li ribo de Var enjusqu'aqueili de Vidourle, di despartamen de la region e d'aqueili de Droumo, de Gard, d'Erau. Li musician chasco annado, soun de mai de mai nombrous coume lou publi de mai en mai fidèle.
- lou *Forum dóu Tambourin*, à 3 ouro au Pasino (intrado à gratis),

emé un espetacle presenta pèr Frederi Soulié de France 3, d'ensèn musicau ilustron lou jo de tambourin, autant tradiçionau que d'aro. En meme tèms, d'estand de fatour d'istrumen, d'editour de musico pèr tambourin, d'association vénon prepausa sa produccioun. Unique en soun genre, aquest evenimen annau es uno veirino de noste patrimòni.

Programo :

- 10 ouro : Acuei di musician sus li plaço de la vilo
- 10 ouro 45 : Descènto dóu Cours Mirabeau.
- 11 ouro : À la Rotonde, musico tóutis ensèn e benediçion di tambourin
- 3 ouro : Forum du Tambourin au Pasino (21, av. de l'Europe)

Entre-signe : 04.42.26.23.41.

La Librejado de Seloun

Mai d'un cinquantenau
d'escrivan en lengo nostro
èro presènt.

Pajo 6

Lou Festenau video en oc

En Sant-Gervasi, li cineasto
afouga dóu país fuguèron
bèn guierdouna.

Pajo 5

De ditado d'en pertout

Toujour un fube de mounde
se retrobon coume sus li
banc de l'escolo

Pajo 3